

河曲縣誌



續修河曲縣誌序

誌與史異史彰善瘴惡筆削維嚴誌則善善從長
寓懲於勸而已而分門別類紀往徵今則大小雖
判而所係之重並同河邑誌書邑紳南坡王鑛編
集於前給諫苗慎齋重修於後紀載亦備矣崇禎
三年庚午冬流寇王加印等踞城肆掠梓板付之
回祿而一邑之典又缺嗣宰斯土者遼海錢公留
心修復次第成編順治初馬公喟輪又刪改而增
益之編次更井井有條梓未終而遇變事卽中輟

序

一

河

楊公捷軒蒞任首重是舉亟爲成之而典之缺者
遂燦然畢具迄今百八十年不獨篇殘簡斷其間
如縣治移駐驛站新增員弁改設兵丁裁汰官師
廉俸書役工食或較增於前或屢減於後沿革殆
不一端而歷任文武職官及邑中科甲歲薦仕宦
封廕已不能詳悉孝義節烈亦多隱沒不彰若遲
之又久卽有心殷補輯者文獻無徵徒增浩嘆爰
不揣固陋力搜各房稿案移查鬻案旁稽碑記叅
考通志於近事尤廣爲採訪隨有所得隨時叙入

列原誌所載於各篇之首而以得自採訪者彙附之其有今制與昔異者但詳叙今制而原誌所載不復贅有原誌所未詳者若星野若風俗若武職千總以下若行伍若例仕例貢考職捐職五世同堂等條則據所採訪以補之誌中論說明而確者胥仍其舊間有時移勢易者則畧叅以臆說至內地與蒙古向以黃河爲界河以西縣中不爲經理自牌界旣分附近草地歸縣兼管亦詳考四至交界及其地名另立一篇附於其末始於道光己丑

序

二

仲秋竣於庚寅季夏謹捐廉俸刊刻成卷非敢期不朽也俾後之官斯民斯者有所稽考且因以炎景從勵進修耳其有不醇不備者俟高明更正之續增之至於完善以與史事輝斯則幸甚是爲序
道光十年歲次庚寅季夏吉日

賜進士出身知保德州河曲縣事戊子科山西鄉試
同考試官心田曹春曉撰



原序

聞之古稱不朽之物紀故實垂鑒戒所云文獻足徵者誌是已所係詎不重哉邑誌纂自南坡王公於嘉靖七年延今七十餘載中間事變之更紀載之缺未可縷指其尤者如城垣包砌官兵添設名宦鄉賢之祀官師貢舉之詳皆所未誌此補緝之不無所待而亦不可緩者也余不佞寡昧曷堪是任願以邑侯任公暨諸士大夫惓惓屬以桑梓不朽之托辭弗獲已始忘寡昧爲之采緝蒐往籍稽故典詢時事可因者

原序

河

因如星野山川廟社之類而不病於襲可入者入如城濠兵馬錢穀選舉節烈之類而不嫌於增可刪者刪如偏關老營八角等皆河曲故地舊誌皆載今三關誌紀詳核錄之徒贅也故不嫌於削至編次或紊者正之傳聞可疑者闕之間有一二斷說亦就其一時利弊而論著之其他古蹟荒郵壞隴殘碑故事與二氏香火之地乃幽人墨客所藉以探奇吊古者而藝文尤紀述事功吟咏勝槩例不可缺第唯有關邑事者錄之不槩及也書成就正於邑侯侯曰杞宋無

徵夏殷之禮不傳諸侯去籍周制因而墜地聖賢每
於斯致慨焉今幸睹是書之全則自今更於斯土者
得以按籍而考政產於斯土者得以尚論而景行豈
無仰止李朱之烈而以賢興於鄉者乎豈無追蹤何
王之蹟而以宦名於世者乎允若茲則地因人益重
誌因地益傳河爲文獻之有徵而公之爲桑梓也足
稱不朽矣不佞愧然愧何敢當不朽譽之貌人者
然而目膚髮岐體備具以俟夫觀者之自得其神理
耳挹其貌因挹其真氣而有當於神理斯精解也而
貌人者亦與有榮施也侯固得神理之至者聞之首
肯誌凡四卷始於萬歷戊戌之正月望日卒業於三
月二日會李子如往遊宦安州托以校刊李雅重是
書蓋同志而樂觀厥成者是爲序

明萬歷二十六年春三月上浣之吉

賜進士中憲大夫應天府府丞前太僕寺少卿侍

經筵禮科都給事中邑人慎齋苗朝陽書

涇曲縣志目錄

第一卷

星野

疆域

圖四
關塞
古蹟

村集

郵舍

營堡

學

公署

壇壝

廟宇

墳墓

坊表

賦役

田賦

留支

倉儲

第二卷

文武職官

守臣
叅將

知縣

訓導

巡檢

典史

人物

臺長
五世同堂

名宦

鄉賢

孝義

耆德

列女

目錄

第三卷

選舉

薦辟
武舉

進士

舉人

貢生

武進士

例職

封贈

廕襲

風俗

物產

兵警

祥異

第四卷

藝文

文
詩

兼管蒙古地界

河曲縣誌卷之一

楚南心田曹春曉編集

星野

唐天文志河東永樂芮城河北縣及河曲豐勝爲夏州皆東井之分河曲舊志載天文井星之次蓋本於此山西通志云保德在昴十度之末畢初度河曲星野附州考之徃籍史記曰昴畢冀州晉天文志曰自胃七度至畢十一度爲大梁趙分野唐天文志亦曰胃昴畢大梁也天源發微曰胃七至畢

河曲縣誌


卷一

星

一

河

十一度酉曰作噩律姑洗斗辰趙分金史曰胃四度二十四分三十三秒外入大梁之次按河曲疆域在冀州戰國屬趙則星野之說自當以通志爲斷參稽州誌亦相符合謹列圖於後以備考



昂星占候 井十一度下為日月中道天之耳目也

昂第七星為旄頭主北敵靜則吉大而盡動若跳

躍敵兵起一星獨跳敵欲犯邊熒惑守其北燕趙

兵起太白守之兵動 天阿一星在胃東 月一

星在昂東 天陰五星在畢柄西 天苑十六星

在昂畢西 芴藁六星在苑西 卷舌六星在昂

北 天讒一星在卷舌中 礪石四星在五車北

畢星占候 畢七度主邊兵弋獵其大星曰天高一

日邊將主四彗之尉也明則遠方來貢暗則邊兵

亂動搖則邊兵起木犯有軍功 昴畢間二星曰
夫街主國界金火守之彘兵起 附耳一星在畢
下主聽得失星盛則中國微有盜賊邊堠警動移
則讒佞行兵起邊尤甚 天節八星在畢南 諸
王六星在五車南天漢中 天高四星在參旗西
北近畢 五車五星三柱九星在畢東北 天潢
五星在五車中 咸池三星在天潢南 天關一
星在五車南畢西北亦曰天門主邊事 參旗九
星在參西五車之間天旗七明而希則邊警不動

流星入北地兵起 九旂九星在玉井西南主邊
軍進退金火守之兵起 天園十三星在天苑北
胃星占候 胃十五度天之儲藏百穀之倉也明則
四時和平天下宴然倉廩實小則穀少有輸邊事
就聚則穀貴人流暗則凶荒 天廩四星在昴南
天園十三星在胃南明而黃則歲豐 大陵八
星在胃北中有一星曰積尸不見而暗則吉 天
船九星在大陵北一曰舟星中一星曰積水主候
水災

河曲縣志卷之一

疆域


疆域形勝圖

河曲縣誌

卷一

河



縣圖




北

南

城圖



北



各壇

河曲縣誌

卷一

三

疆里沿革

河曲禹貢冀州之域故晉邊地戰國屬趙一名林
 胡又曰儋林漢屬太原魏劉元海據離石其地屬
 魏唐改隸太原五代東漢劉崇置雄勇鎮屬嵐州
 宋太平興國七年建火山軍同下州領雄勇偏頭
 董家橫谷栝樺護水六砦慶歷初增領下鎮砦治
 平四年置火山縣四年縣廢明一統志屬代州金
 貞元元年置河曲縣隸焉大定二十二年升為州
 後更名隰州興定二年九月改隸嵐川四年徙治

黃河灘許父寨元憲宗七年省州縣入保德州明
洪武二年仍置縣六年省十四年復置隸太原府
別號災臺編戶七里

國朝因之順治二年改爲五里東西廣九十七里南
北袤一百八十里舊治在太原府西北四百八十
里雍正二年改隸保德州乾隆二十九年徙治河
保營東抵舊武州下庄村一百五十里抵五寨縣
界分對坡村一百里至五寨縣治二百一十里西
抵黃河岸陝西府谷縣界二里西北抵蒙古邊界

三里南抵保德州界朱家村一百三十里抵岢嵐
州界石佛河舖一百七十里至岢嵐州治二百五
十里東南抵岢嵐州界長流溝一百七十里至岢
嵐州治一百九十里西南抵保德州界西莊村一
百里至保德州治一百三十里北抵偏關縣界關
河七十里東北抵偏關縣界西溝舖七十三里至
偏關縣治八十里抵朔州界一百二十里東南至
省五百九十里東由代州道經紫荊關至北京一
千三百餘里

城池

縣城河保營即古灰溝營明宣德間建

國朝乾隆二十九年徙治開拓周圍三里八步磚砌

高三丈六尺增建南門合東西二門為三門上各

建樓一座西臨黃河當九曲之一東南北皆山至

保德州及崑嵐五寨偏關等處路俱險峻

縣當河流曲處故名春秋文公十二年秦晉戰河

曲在蒲坂雷首為永濟匡河鎮地非此河曲本通志

附存疆域形勝舊圖

河曲縣志 卷一 五 河

抵偏關界 東抵舊武州界

東南抵

東北 縣境舊圖

崑嵐界



北抵

李灘

李灘

星坐驛


后土廟

天慶觀

崑嵐山

南抵崑嵐

東南抵



疆域志舊說

明輪氏曰志以載方土覘風物也然地有險易志有重輕非止學士之游談几案之清軟也河曲在隸於郡縣之屬若贅龐然予覽天勢自遼渤以西至大河而止西接隴石北隣沙漠為

國家外藩尤三晉庭戶翬翬几乎墻邑哉是故相其都邑以明居重之圖詳其營壘以著犄角之勢表其險隘以申扼吭之謀詎曰考風問籍以自鏡也覽斯志者其有意於順治威嚴之畧與